



SCERT NEWS LETTER

Email : scertmizoram@gmail.com

Visit us at: http://www.scert.mizoram.gov.in

Vol.VI Issue No.1 Dt.31st January,2019 SCERT MIZORAM (Private Circulation)

Lalngauzuali Ralte
Editor



Board of Editors :
Laldawngliani Chawngthu
P.C.Lalrintluanga
Vanlalhruaii
R.Lalbiakdiki



Editorial

Kum 2019 bul kan tan chho leh ta a, mitin ten kan hmasawn theuh ah, kan hna chan leh kan mawhpurhna theuchte hlen thei turin tan la thar leh ila, rinawm leh taima takin kan kan hna wawn theuhah theihtawp chhuah a pawimawh hle. Chutih rual chuan tha taka thawk thei tur chuan taksa a hriselna kan neih pawh a pawimawh awm e, chutiang tur chuan kan ei leh in, zuk leh hmuam kawngah te kan uluk a, kan invawn thianglim hi a tulin, tihmakmawh ah ngai ila, kan Pathian lekhkhabu ah taksa tana thianglimna thu min zirtir angin fimkhur leh uluk takin awm tum ila, Pathian malsawmna dawng tlaka kan awm theuh theih nan kumin 2019 hun kan hman zel natur atan hian School Education Department chhunga thawktu zawng zawng leh chhiartu zawng zawngte, Directorate of SCERT Newsletter Editorial Board chuan duhsakna chibai a hlan vek a che u.

EASTERN INDIA SCIENCE & ENGINEERING FAIR, 2019 KOLKATA-A NEI HNA AH MIZO ZIRLAI TE AN TEL



Ram pumah Science leh Mathematics zirna kawnga hmasawn nan leh zirlai naupangten an tui theih nan Central Ministry in a duan angin Mizoram chhung ah pawh SCERT Science Promotion Wing, Mizoram chuan kum tin State Level Science Exhibition an buatsaih thin a, nikum 2018 December thla

pawh khan State Level Exhibition hi Govt. Chaltlang High School-ah neih a ni a, heta ti tha zualte school naupang 20 te chu Mizoram aiawh turin Eastern India Science and Engineering Fair 2019 Birla Industrial & Technological Museum-a neihna-ah kal pui an ni.

Kumtin in Birla Industrial & Technological Museum, Kolkata hmun ah Eastern India Science & Engineering Fair buatsaih thin anih angin kumin 2019 pawh hian ni 8-12 January 2019 chhungin neih a ni. He Exhibition ah hian

India ram State hrang atangin State 14 vel an tel.Mizoram atangin zirlai (Participants) 20 hruai an ni a, Guide Teacher 4 leh SCERT atanga officials te nen an vain 26 an kal. Mizoram atanga tel tura thlan chhuah kal te hi School hrang hrang an ni a, chung te chu :- St.Pauls Higher Secondary School, Aizawl, St.James School, Aizawl, Govt Chaltlang Higher Secondary School, Aizawl, St.John Higher Secondary School, Kolasib, Bethel Mission School, Champhai leh New Diamond English Medium School, Mamit te an ni. A tel zawng zawngte hian tha takin an ti thei a, a lawmawm hle a ni. State hrang hrang inelna ah heng mite hian lawmman an dawng a, chungte chu-State best model -Lalhmingmawia St. Pauls Higher Secondary School, Aizawl. Special prizes - Lalrinawma St.James School, Aizawl - C.Lalringgheti St. James School, Aizawl, K.Lalremruati St.James School, Aizawl ten an la a ni.



1st - 31st JANUARY, 2019 CHUNGA SCERT PROGRAMME NEI TE**SCIENCE & MATHEMATICS**

Birla Industrial & Technological Museum Kolkata ah ni 8-12 January 2019 chhungin **Eastern India Science & Engineering Fair, 2019** neihna ah Mizoram aiawhin tel a ni. He Exhibition ah hian India ram State hrang atangin State 14 vel an tel. Mizoram atangin zirlai (Participants) 20 hruai an ni a, Guide Teacher 4 leh officials te telin an vaiin 26 an kal.

He Exhibition ah hian Pu F.Lalliansanga, Science Consultant leh Pu P.C.Lalrintluanga, Science Consultant, Science Promotion Wing, SCERT ten an zuk ho a, zirlai naupang an hruaite an che tha in lawmman (prize) chi hrang hrang an hawn nghe nghe a ni.

ENGLISH

- Workshop to develop syllabus for Diploma in English Language Teaching (ELT)21-25.1.2019 chhungin SCERT Seminar Hall-ah neih a ni. Hetah hian SCERT Officers 10 an tel.
- Interview of Govt.Primary School, Tachhip for Conversation into English Medium School ni 21.1.2019-ah neih a ni.

IEDSS

- B.Ed. Special Education (V.I & H.I.) te tuang takin Ist Semester tuang takin an exam zo tawh a, tunah hian an result ngah mek a ni.
- IInd Semester class hi 21st February, 2019 ah tanin Examination June thla ah an nei ang.

POPULATION EDUCATION

- 2-Day Workshop to Develop Population Education Annual Newsletter 22-23.1.2019 chhungin SCERT Committee Room-ah neih a ni.

TEACHER EDUCATION

- National level National Talent Search (N.T.S.) Exam November thla khan zirlai naupangten an bei a, tunah result ngah mek mek a ni.

MEETING/TRAINING/WORKSHOP/SEMINAR ETC.

- 3-4.1.2019 chhung hian Pi Laldawngliani Chawngthu Director, SCERT leh Pi D.Ramdinthangi Jt.Director, SCERT te '**Interactive Workshop for State Resource Persons on Drugs & Substances Abuse**' New Delhi-a neihna ah an tel.
- Ni 18.1.2019 (Friday) khan **Interactive Meeting with Headmasters of Aizawl in Innovation & Best practice** chu Pi Laldawngliani Chawngthu, Director SCERT hovin 11:00 A.m. ah tanin **Seminar Room-ah** nilengin neih a ni.
- **Training Module for Teacher Educators** kum kalta lama buatsaih kal zel chu final Workshop Committee Room-ah neih chhonzawm mek a ni a, he Training Module hi SCERT Officers ten an chanpualte uluk taka an buatsaih hnu ah lakkhawm a, a bu a siam tura buatsaih tum a ni.

SCHOOL EDUCATION MINISTER PU LALCHHANDAMA RALTE HO IN EDUCATION OFFICER TE THUKHAWM

Ni 29.1.2019 (Tuesday) khan School Education Minister Pu. Lalchhandama Ralte hovin Secretariat Conference Hall, New Secretariat Complex-ah School Education Department Officers te leh SCERT-a Officer ten zirna chungchang ngaihtuahin meeting an nei a, He meeting-ah hian School Bag policy chungchang te, School timing chungchang te, Samagra Shiksha Abhiyan chungchangte leh CCE chungchangte an sawiho.

SCHOOL LEADERSHIP



Ni 18.1.2019 (Friday) khan **Interactive Meeting with Headmasters of Aizawl in Innovation & Best practice** chu SCERT Seminar Room-ah neih a ni. Programme hi dar 11:00 A.m. tanin Pi Laldawngliani Chawngthu Director of SCERT chuan a kaihrui a, nilenga hun hman a ni.



EDUSAT USERS' MEET 2019 NEIH A NI



January ni 31 khan **EDUSAT USERS MEET** chu SCERT, Auditorium ah neih ani. He hun hi Director, Pi Laldawngliani Chawngthu in hunserh a hman pui hnuah, session hran tan leh a niin sawihona (discussion) neih zui nghal a ni. He sawihona ah hian Mizoram a EDUSAT hmang tu zawng zawng ten tangkai zawk leh tha zawka network an hman theih dan tur te sawi ho ani a, problem awm sa leh awm thei te pawh sawi tel a niin, a bawh zui zel dan tur te pawh sawi ho nghal ani. EDUSAT Programme chungchang ngaihthlak anih bakah, uluk taka sawi zui ho a ni bawh.

He meet ah hian EDUSAT hmangtute atangin mi 38 an kalkhawm a, District hrang hranga DIET principal re leh District Education Officer (DEO) te pawh an tel. Mizoram EDUSAT Network hi tangkai zawk leh changtluang zawk anih theihna atana ngaihtuahna seng tute leh, he programme ti hlawhtling tura lo kal khawm zawng zawng te chungah he programme buatsaihtu ICT Cell, Directorate of SCERT chuan lawmthu an sawi mawlh mawlh bawh ani.

SCERT OFFICERS UNION INTHLANG

January, 30, 2019 khan SCERT Officers Union Officer Bearer (O.B.) turte thlanna neih a ni a, kum 2 chhung atana hruaitutu hetiang hian an insiamrem nghal.

- President : Pi Caroline Zoramthangi
- Vice President : Pi D. Ramdinthangi
- Secretary : Pu Samuel Lalmalsawma Sailo
- Asst. Secretary : Pu P.C.Vanlalruata
- Treasurer : Pi Vanlaldiki Sailo
- Fin. Secretary : Dr A. Lalchhandami Fanai

(Chhunzawmna)

CAREER INFORMATION

Section II : Zirna kawng hrang hrang thlan theih te :

Arts stream thatnate :

- Ngunthluk taka thil zir chiang thiam tur leh fiah taka hrilh fiah thei turin Arts/Humanities hian zirlaite a buatsaih a ni.
- Naupangin hna a hmuh nghal mai loh pawhin, nakin lawka hna a mamawhna anga mi biang-biak thiam, fing taka thil hisap thiam, chik taka thil zir thiam thawh thei turin a buatsaih a ni.
- Thil chinchang lakkhawm te an thiam avang leh chiang taka ziah chhuah leh an thiam avang hian Private company leh hna thawhna hrang hrang amite hian Humanities background neite hi an thlang zawk fo a ni.

DIRECTORATE OF SCERT STAFF WELFARE HUANG

- Ni 14.1.2019-Monday hian Directorate of SCERT thawktu zawng zawngte kum 2019 atan Inhlanthar neih a ni. He hun hi chawhma dar 11 ah tan in SCERT Auditorium-ah hman a ni.
- Ni 14.1.2019-Monday (afternoon) : Directorate of SCERT Staff Welfare hruaitu (OB) thlan a ni. Inhlantharna neih zawh veleh hian chhuak lovin kum 2019 chhung atana SCERT Staff Welfare hruaitu tur thlan nghal a ni baw
- (17.1.2019--(Thursday) : Directorate of SCERT Staff Welfare O.B. inruat fel : Ni 17.1.2019 12 (Noon) khan kum 2019 chhung atana Directorate of SCERT Staff Welfare hruaitu tur thlan tharte chuan chanvo insiamremna hetiang hian an nei :
Chairman: Pu P.C.Vanlalruata, **Vice Chairman:** Pu Lalthanfela, **Secretary :** Pu C.Lalbiaksanga, **Asst.Secretary:** Pu F.Lalthanzuala, **Treasurer:** Pi Lalnunsiami, **Fin.Secretary:** Pi T.C.Lianzami.
- Kan thawhpui Pi Lalduhawmi Thomte chu Tutor atangin Deputy Director ah a kaisang a, kan lawmpui hle. A kaisanna Govt. order hi 10.1.2019 khan lo chhuak nghe nghe a ni.
- SCERT atanga Superanuation-a min pension san ta Pu **Aithanga (Aitea)** chuan ni khan a boral a kan ui hle. A vuina hi an chenna in Galili vengthlang, Zemabawk-ah niin engemaw zat a thlahna ah telin a kuang bulah thla lakpui a ni nghe nghe.
- Kan thawhpui Pi Esther Lalnunpuii, Tutor chu a pa Upa J.H.Ramnginglova chuan a boral san avangin SCERT Auditorium -ah ni 25.1.2019 (Friday) khan ralna hun hman a ni.
- Ni 29.1.2019 (Tuesday)-ah Directorate of SCERT Staff Welfare Committee, 2019 committee hmasa ber neih a ni.



PENSION THLAH



Kan thawhpui Pu Lalbiakliana, Driver Special Grade chu Sawrkarin hna a thawh hun chhung atana a duan chu alo hmang zo ve ta reng mai. Superanuation Pension in ni 1.1.2018 atang khan sawrkar hna a lo chawlhan tak avangin kum thar hun remchang hmasa ber 18.1.2019 (Friday) khan amah thlahna SCERT Auditorium-ah hman a ni. Hetah hian Director Pi Laldawngliani Chawngthu chuan Department aiawhin thlahna thu a sawi a, Pu Biaka pawhin thu tha tak a sawi a, thawktu

thenkhatte ten thu tawi hlimawm tak takte an sawi baw a ni. Hun hman zawh hnu ah thlakhona neih a ni a, Pu Biaka thlah nan thingpui leh a hmeh tui tak inho a ni baw.

Sawrkar hna a chelh chhung zawng leh, a hna hlen chhuak thei tura hriselna leh chakna, Pathian malsawmna a dawng hi kan lawmpui em em a, a hun hman zel turah pawh midangte tana malsawmna ni zel turin Directorate of SCERT Staff Welfare chuan duhsakna a hlan baw e.

NATIONAL VOTERS DAY HMANG

January ni 25, 2019 hian National Voters Day vawi 9-na chu rampumah hman a ni a, hemi ni hian Sawrkar pisa leh Zirna in ten chawhma Dar 11 ah Voter's day puala intiamtharna neih vek a ni. National Voters Day ah hian vote nei te mawhphurhna leh vote thlak pawimawhna te sawi a inzirtir a ni. Directorate of SCERT pawhin he ni pual Ceremony hi SCERT Building 1st Floor-ah kalkhawmin neih a ni a, hetah hian Pledge chhiar tura sawrkarin a duan chu a huhovin urhsun taka chhiar rual a ni.

